

## SULDAL KONTROLLUTVAL

### PROTOKOLL

**Torsdag 29. april 2021** blei det halde møte i Suldal kontrollutval under leiing av leiar Tormod Skeie.

<b>MØTESTAD:</b>	Suldal kommunehus, kommunestyresalen og Teams
<b>MØTESTART-MØTESLUTT:</b>	kl. 10.00 – 12.00
<b>MØTANDE MEDLEMMER:</b>	Tormod Skeie (SV), Eldbjørg Sivertsen (Uavh.), Henrik Halsne (Ap), Per Gudmund Øxtra (Sp) og Ragnhild Sukka (V)
<b>MØTANDE VARAMEDLEMMER:</b>	Ingen
<b>FORFALL:</b>	Ingen
<b>FRÅ SEKRETARIATET MØTTE:</b>	Seniorrådgjevar Odd Gunnar Høie, Haugaland Kontrollutvalgssekretariat IKS
<b>FRÅ REVISJONEN MØTTE:</b>	Revisor Tore Kristensen – Rogaland Revisjon IKS
<b>FRÅ ADMINISTRASJONEN MØTTE:</b>	Personalsjef Tordis Kristin Tobiassen i sak 9. Kommunekasserar Arnfinn Gundersen deltok på Teams i sak 10.
<b>ANDRE SOM MØTTE:</b>	Suldalsposten
<b>MERKNADER TIL INNKALLING:</b>	Ingen
<b>MERKNADER TIL SAKLISTE:</b>	Sakene blei handsama i denne rekkefylgja: 7, 8, 10, 11, Ymse og 9

### **FØLGJANDE SAKER BLEI HANDSAMA:**

#### **SAK 07/21 GODKJENNING AV PROTOKOLL FRÅ MØTE 11.02.21**

**Sekretariatet si innstilling:**

Protokoll frå møte i kontrollutvalet 11.02.21 blir godkjent slik han ligg føre.

**Handsaming i kontrollutvalet 29.04.21:**

Utvalet hadde ingen merknader til protokollen.

**Samrøystes vedtak i kontrollutvalet 29.04.21:**

*Protokoll frå møte i kontrollutvalet 11.02.21 blir godkjent slik han ligg føre.*

## **SAK 08/21 REFERAT- OG ORIENTERINGSSAKER 29.04.21**

12. Statusoversyn pr. april 2021
13. KST-vedtak 23.03.21, sak 21/21 – rapport «Psykisk helsehjelp»
14. Brev frå «Borger i Rogaland», dagsett 14.03.21
15. Kommenterar til «Anonymt brev med udokumenterte påstander» frå ordførar og leiar i LMT-utvalet
16. Representantskapsmøte 23.04.21 – Haugaland brann og redning IKS
17. Representantskapsmøte 26.04.21 – Haugaland Kontrollutvalgssekretariat IKS
18. Representantskapsmøte 27.04.21 – IKA Rogaland IKS
19. Generalforsamling 30.04.21 – Haugaland Kraft AS
20. Invitasjon til digital FKT-konferanse 1. – 2. juni 2021
21. Brev vedk. Norsk Stein frå Nora Haaland Seringstad med fleire (totalt 17 personar)
22. E-post frå Bjørn-Arild Andersen til utvalsleiar vedk. mangel på svar frå kommunen

### **Handsaming i kontrollutvalet 29.04.21:**

Leiar gjorde greie for referatsakene.

#### Norsk Stein

Under pkt. 14-15 og 21-22 drøfta utvalet innsendte brev, lesarbrev i lokalavisa og andre innspel. Medlemmene var samde om at saka ikkje hørde inn under utvalet sitt mandat.

Utvalet var samd om følgjande uttale: «*Kontrollutvalet vil oppmode alle partar til å ha ein open og konstruktiv dialog i prosessen vidare.*».

Utvalet ønskte at utvalsleiar sitt svar til Andersen vert sendt vidare til administrasjonen, med oppmoding om å svara på hans e-post.

Sekretæren minna om påmelding innan 18.05.21 til FKT-konferansen i juni.

Utvalet hadde ingen særskilte merknader til dei andre referatsakene.

### **Samrøystes vedtak i kontrollutvalet 29.04.21:**

*Suldal kontrollutval tar referat- og orienteringssakene 12 – 20 til orientering.*

#### Uttale vedkomande Norsk Stein

*Kontrollutvalet vil oppmode alle partar til å ha ein open og konstruktiv dialog i prosessen vidare.*

*Kontrollutvalsleiar si tilbakemelding til Andersen vert sendt vidare til administrasjonen med oppmoding om å svara på hans førespurnad frå 11.02.20 vedk. Norsk Stein.*

## **SAK 09/21 ORIENTERING FRÅ ADMINISTRASJONEN - PERSONALSJEF**

### **Sekretariatet si innstilling:**

Suldal kontrollutval tek gjennomgangen frå personalsjefen om hennar arbeids- og ansvarsområde til orientering.

**Handsaming i kontrollutvalet 29.04.21:**

Personalsjef Tordis Kristin Tobiassen orienterte og viste ein presentsjon. Ho gjorde greie for sitt ansvarsområde, korleis dei var organisert, budsjetttrammer, tal på tilsette, tenestene og oppgåvene som avdelinga utfører og framtidige utfordringar. Kommunedirektøren har fremma forslag om omorganisering, og då vil avdelinga bli lagt under Servicetorget. Personalsjefen svarta på spørsmål, om mellom anna sjukefråvær, politiattestar og teieplikterklæringar.

Leiar takka for ei god og interessant orientering.

**Samrøystes vedtak i kontrollutvalet 29.04.21:**

*Suldal kontrollutval tek gjennomgangen frå personalsjefen om hennar arbeids- og ansvarsområde til orientering.*

**SAK 10/21 UTTALE TIL ÅRSREKNESKAP OG ÅRSMELDING FOR 2020**

**Sekretariatet si innstilling:**

Suldal kontrollutval vedtek uttale til årsrekneskap og årsmelding 2020 slik den ligg føre (med desse endringane/tillegg).

Kontrollutvalet tilrår at Suldal kommunestyre godkjenner årsrekneskapen og årsmeldinga for 2020.

**Handsaming i kontrollutvalet 29.04.21:**

Kommunekasserar Arnfinn Gundersen deltok på Teams og orienterte om årsrekneskapen. Oppdragsansvarleg revisor Tore Kristensen orienterte om revisjonen sitt arbeid. Utvalet ønskjer at revisor nyttar nynorsk på alle sine uttalar og attestasjonar. Revisor lova å etterkome dette ønskje. Kommunekasserar og revisor svarta på spørsmål.

Utvalet slutta seg til framlegg til uttale.

**Samrøystes vedtak i kontrollutvalet 29.04.21 og innstilling til kommunestyret:**

*Suldal kontrollutval vedtek uttale til årsrekneskap og årsmelding 2020 slik den ligg føre.*

*Suldal kommune har i 2020 eit positivt netto driftsresultat med 32,9 mill. kr, som utgjer 5,7 % av driftsinntektene. Det er eit litt dårlegare resultat enn i 2019, som var på 10,1 %. Resultatet i 2020 er framleis godt øve teknisk berekningsutval sin tilrådde resultatmargin på 1,75%.*

*Under tilvising til utvalet sin eigen gjennomgang av dokumenta og revisjonsmeldinga for 2020, meiner kontrollutvalet at årsrekneskapen og årsmeldinga for 2020 totalt sett gjer eit forsvarleg uttrykk for resultatet av kommunen si verksemd for 2020 og for kommunen si økonomiske stoda pr. 31.12.20.*

*Kontrollutvalet er ikkje kjent med andre forhold, som er kome fram i dialog med revisor, som kunne hatt noko å seie for utvalet sin uttale, jf. kommuneloven § 11-2.*

*Ut over ovannemnde og det som går fram av saksframlegget til kontrollutvalet, samt revisors orientering om årsoppgjeret og revisjonsmeldinga, har ikkje kontrollutvalet merknader til årsrekneskapen til Suldal kommune for 2020.*

***Kontrollutvalet tilrår at kommunestyret godkjenner årsrekneskapen og årsmeldinga for 2020.***

## **SAK 11/21 FORENKLA ETTERLEVINGSKONTROLL FOR REKNESKAPSÅRET 2020 – REVISOR SI ATTESTASJON OM ØKONOMIFORVALTNINGA**

### **Sekretariatet si innstilling:**

Suldal kontrollutval tar vedlagte attestasjonsuttale frå Rogaland Revisjon IKS om økonomiforvaltninga for 2020 og revisor si gjennomgang til orientering.

### **Handsaming i kontrollutvalet 29.04.21:**

Revisor Tore Kristensen gjorde greie for attestasjonsuttalen. Revisor hadde ingen særskilte merknader, men han meinte kommunestyret sitt vedtak om at husleigene «kan» regulerast i tråd med konsumprisindeksen (KPI) var ei uklår formulering.

Medlemmene var samd med revisor i dette, og vil oppmoda kommunestyret til å klargjere om husleigereguleringane skal regulerast i tråd med KPI årleg eller ikkje. Slik det er no, er det opp til administrasjonen om kva som skal gjerast.

Utvalet hadde elles ingen merknader og slutta seg til framlegget.

### **Samrøystes vedtak i kontrollutvalet 29.04.21:**

*Suldal kontrollutval tar vedlagte attestasjonsuttale frå Rogaland Revisjon IKS om økonomiforvaltninga for 2020 og revisor si gjennomgang til orientering.*

*Suldal kontrollutval oppmodar kommunestyret til å klargjere om husleigereguleringane skal følgje konsumprisindeksen årleg eller ikkje.*

## **YMSE**

### **Klimarapportering**

Leiar viste til sak under Ymse 11.02.21 om klimarapportering. Revisor og sekretær hadde ikkje noko nytt å melde, og vil ta innspelet med vidare.

### **Neste møte: torsdag 17.06.21, kl. 10.00**

Saker: orientering frå kommunalsjef oppvekst.

Sand/Aksdal, 29.04.21

Tormod Skeie  
Leiar

Odd Gunnar Høie  
Kontrollutvalssekretær